

Na osnovu člana 6. i 8. Zakona o građevinskom zemljištu Federacije Bosne i Hercegovine („Službene novine FBiH“, broj: 67/05), člana 13. stav 2. alineja 5. Zakona o principima lokalne samouprave u Federaciji Bosne i Hercegovine („Službene novine F BiH“, broj: 49/06 i 51/09), člana 42. stav 5. Zakona o prostornom uređenju KS („Službene novine KS, broj: 24/17 i 1/18), i člana 70. stav 1. tačka 2. Statuta općine Vogošća („Službene novine Kantona Sarajevo“ broj: 27/14-Prečišćeni tekst i 14/15,9/20), Općinsko vijeće Vogošća, na sjednici, održanoj dana 30.03.2023. godine, donijelo je

ODLUKU O POVJERAVANJU POSLOVA UREĐENJA GRADSKOG GRAĐEVINSKOG ZEMLJIŠTA U OBUHVATU REGULACIONOG PLANA „POSLOVNA ZONA ŠIP“

Član 1.

Povjeravaju se Zavodu za izgradnju Kantona Sarajevo poslovi uređenja gradskog građevinskog zemljišta u u obuhvatu Regulacionog plana „Poslovna zona Šip“.

Član 2.

Uređenje gradskog građevinskog zemljišta iz člana 1. Odluke, obuhvata izvođenje radova na pripremanju i opremanju građevinskog zemljišta, odnosno izgradnju saobraćajne i komunalne infrastrukture koja je potrebna za izgradnju i korištenje građevina i zahvata u prostoru u skladu sa važećom planskom dokumentacijom–Izmjene i dopune Regulacionog plana „Poslovna zona Šip“ („Službene novine Kantona Sarajevo“, broj 11/01, 2/07, 28/07, 31/07, 40/08, 4/09, 1/10, 18/11, 24/11, 16/13, 41/13, 1/14, 44/15, 23/17, 33/18 i 50/19).

Član 3.

Posebnim sporazumima zaključenim na osnovu ove Odluke, Općina Vogošća i Zavod za izgradnju Kantona Sarajevo će detaljnije razraditi svoja prava, obaveze i način finansiranja.

Član 4.

Sporazumima iz člana 3. Odluke, biće utvrđena dinamika poslova na uređenju građevinskog zemljišta iz člana 1. Odluke, radovi koje je potrebno izvršiti, uslovi i rokovi za izvođenje tih radova te način implementacije sredstava potrebnih za uređenje građevinskog zemljišta.

Član 5.

Realizacijom povjerenih poslova na izgradnji saobraćajne i komunalne infrastrukture, ne mijenjaju se planirani uvjeti njihovog korištenja, a izgrađena saobraćajna i komunalna infrastruktura se zadržava u funkciji javnog dobra.

Po završetku radova na uređenju građevinskog zemljišta i izdavanju upotrebnih dozvola za izvedene radove, Općina Vogošća će u svojstvu upravitelja cesta preuzeti izgrađene saobraćajnice na dalje upravljanje i održavanje.

Član 6.

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

Broj:01-02-434/23

Dana:30.03.2023. godine

